



Øystre Slidre kommune
Bygdinvegen 1989
2940 Heggenes

Vedtekter for skulefritidsordningane i Øystre Slidre kommune

§ 1. Eigarforhold

Vedtektene gjeld for dei kommunale skulefritidsordningane ved Lidar skule og Rogne skule.

§ 2. Føremål

Kommunen skal ha eit tilbod om skulefritidsordning før og etter skuletid for 1.-4. årstrinn, og for barn med særskilte behov på 1.-7.årstrinn.

Skulefritidsordninga skal leggje til rette for lek, kultur- og fritidsaktivitetar og leksearbeid med utgangspunkt i alder, funksjonsnivå og interesser hos barna.

Skulefritidsordninga skal gje barna omsorg og tilsyn.

§ 3. Ansvarleg styringsorgan

Kommunestyret godkjenner vedtekter.

SFO er administrativt lagt til rådmannen

Rektor har det overordna pedagogiske ansvar ved den enkelte skule.

§ 4. Opptaksmyndigheit

Rektor gjennomfører opptak.

Klagerett er heimla i Forvaltningsloven § 28.

Formannskapet er klageinstans.

§ 5 Opptakskriterium

Tilbodet gjeld elevar i grunnskulen i Øystre Slidre kommune 1.-4. årstrinn, og for elevar med særskilte behov på 1.-7. årstrinn

§ 6 Opptak

Søknadsfrist for hovudopptak er 15.februar dersom det ikkje blir gjort endringar i organisering av skuledag/veke.

Ved endra behov for plass kan det gjerast opptak heile året. Søknad om plass skal skje på elektronisk søknadsskjema for SFO som ligg på kommunen si heimeside.

Tildelt plass i SFO gjeld for eitt skuleår, eller til den evt. blir sagt opp i løpet av skuleåret.

Alle må søke om plass i SFO for kvart skuleår.

§ 7 Oppseiing

Oppseiing og endring av plass skal skje på elektronisk skjema på kommunen si heimeside.

Oppseiing og endring av plass skal skje med ein månad varsel innan den 1. i kvar månad.

§ 8 Foreldrebetaling

Satsar for foreldrebetaling blir fastsett i samband med årsbudsjettet. Kommunen informerer om endring i betalingssatsane på nettsida til kommunen. Systemet for foreldrebetaling er delt inn i terminar – kvar termin går frå den 1. i månaden til slutten av månaden. Juni og august er redusert til ca halv sats etter teljing av dagar. Juli er betalingsfri.

Betaling skal skje innan forfallsdato.

Plassen i SFO fell bort ved skuldig foreldrebetaling for tre – 3 månader.

I betalinga for SFO er det inkludert eit enkelt måltid.

§ 9 Leike- og opphaldsareal

Leikearealet er tilsvarende det som gjeld for elavane ved Rogne og Lidar skular.

Opphaldsarealet er til vanleg det store fellesarealet knytt til kjøkken og kantine på båe skulane.

Gymnastikksal og andre spesialrom blir brukte etter avtale med rektor.

§ 10 Opphaldstid

Lidar har tilbod om SFO etter skuletid med sluttid kl 16.30.

Rogne har tilbod om SFO i tida kl 07.30 fram til skulestart, og frå skuleslutt fram til kl 16.30.

SFO følgjer skuleruta, men rektor kan i samråd med kommunalsjef organisere SFO i ferietida når minst 5 elevar i heile kommunen gjer bindande avtale om plass

§ 11 Bemanning

Rektor er leiar for SFO.

SFO skal ha forsvarleg bemanning som bør ha utdanning som fagarbeidarar.

Det må vere minst 5 elevar for å sette i gang eit tilbod før eller etter skuletid.

§ 12 Ikrafttreden

Vedtektene gjelde frå dei er godkjend av kommunestyret 21.11.19.